

O'QITUVCHILARGA EHTIROM KO'RSATILMOQDA

Urganch Abu Ali Ibn Sino nomidagi
jamoat salomatligi texnikumi direktori

Axmedova Muborak Marksova

Annotatsiya: Ushbu maqolada prezidentimiz tomonidan o'qituvchilarga ko'rsatilayotgan ehtirom, sohada amalga oshirilayotgan yangiliklar atroflicha tahlil qilingan.

Kalit so'zlar: o'qituvchi, farmon, imtiyoz.

O'zbekiston Respublikasi Prezidentining shu yil 11-sentyabrdagi farmoniga muvofiq, ta'lim-tarbiya tizimida alohida o'rnak ko'rsatgan xodimlardan bir guruhi faxriy unvon, orden va medallar bilan taqdirlangan edi. Ular orasida o'z mablag'i hisobidan maktablar qurgan saxiy tadbirkorlar, ta'limdagi ilg'or yutuqlarni joriy qilishga ko'maklashayotgan xorijiy hamkorlar ham bor. Davlatimiz rahbari, Davlatimiz rahbari kasbiy ta'lim masalasiga alohida to'xtaldi. Soha uchun 2026-yil – yoshlarni zamonaviy kasb-hunarga o'rgatish yili bo'lishi ta'kidlandi.

Shu maqsadda Kasbiy ta'lim agentligi tashkil qilinadi. Agentlikning asosiy vazifasi barcha 598 ta texnikumga yangi muhit olib kirish va xalqaro standartlarni joriy qilishdan iborat bo'ladi. Bir yil ichida 100 ta texnikumda Germaniya, Shveysariya, Xitoy, Koreya, Buyuk Britaniya kabi davlatlarning ta'lim tashkilotlari bilan hamkorlik yo'lga qo'yilib, ularning eng ilg'or kasbiy ta'lim dasturlari joriy qilinadi. Shuningdek, kasbiy ko'nikmasi bor istalgan talabgor bu texnikumlarda xorijiy davlatlarning malakani baholash tizimi orqali imtihon qilinib, xalqaro sertifikat olishi mumkin bo'ladi. Joriy o'quv yilidan Angliyaning Pirson kompaniyasi bilan hududlardagi 14 ta texnikumda "BITEK" xalqaro dasturi boshlandi. Bu orqali yoshlar xalqaro standartlar asosida turizm, axborot texnologiyalari, tibbiyot, qurilish, logistika, elektrotexnika, energetika, mashinasozlik, biotexnologiya, kreativ iqtisodiyot kabi yo'nalishlarda talab yuqori kasblarni egallaydi.

Kelasi yili sanoatda qariyb 45 milliard dollarlik 456 ta yirik loyiha boshlanadi. Endi texnikumlarda “investor – tarmoq – texnikum” zanjiri asosida har bir loyiha bo'yicha dual ta'lim yo'lga qo'yiladi. Korxonalar bilan aniq loyihalari bo'lgan texnikumlar o'rtasida zamonaviy ustaxonalar barpo qilish bo'yicha tanlov o'tkaziladi. Tanlov g'oliblariga ustaxona uchun zamonaviy uskuna va jihozlar, sport anjomlari olib beriladi. Umuman, dual ta'lim bilan qamrov 5 barobar oshiriladi. Hamkor korxonalarga 5 milliard so'mgacha imtiyozli kredit ajratiladi, dual ta'lim orqali ishlayotgan o'quvchilar bo'yicha yagona ijtimoiy to'lov ikki barobar qisqartiriladi. Yangi texnologiyalarni o'zlashtirish, ish topishda chet tillarini bilish juda muhim. Shu bois, texnikumlardagi xorijiy tillar uchun ajratilgan soatlar 4 karra ko'paytiriladi. Prezidentimiz qaroriga muvofiq, maktablarda maslahatchi lavozimi joriy qilinyapti. Endi ular 7-sinfдан boshlab o'quvchilarni fanlarni o'zlashtirishi va kasbiy qiziqishi bo'yicha saralab, 9-sinfni bitirganida texnikumlarga yo'naltiradi. Bundan tashqari, bu yil 11-sinfni bitirib, oliygohga kira olmagan 200 ming yoshlar ham texnikumlarda 3-6 oylik qisqa muddatli dasturlar asosida kasbga o'qitilishini aytib o'tganlar.

Davlatimiz rahbarining yuqoridagi farmonlariga muvofiq, Prezidentimiz ustoz va murabbiylarning ijtimoiy sharoitlarini yaxshilash bo'yicha ham qator tashabbuslarni bildirdi. Endi yangi yildan boshlab kamida 15 yil stajga ega bo'lgan oliy toifali pedagoglarga ipoteka krediti boshlang'ich badalining 25 foizi qoplab beriladi. Kelgusi o'quv yilida davlat oliygohlariga o'qishga kirgan pedagoglar farzandlarining shartnomasi summasiga 30 foiz chegirma beriladi.

O'qituvchilar yangi ta'lim texnologiyalarini keng qo'llashi uchun kompyuter xaridiga 10 million so'mgacha imtiyozli kredit beriladi. Kelasi yildan pedagoglar uchun davlat xizmatlari to'lovi 2 karra kamaytiriladi. Fan o'qituvchilari kabi boshlang'ich ta'lim o'qituvchilari uchun ham milliy sertifikat berish tizimi joriy qilinadi. Sertifikat olganlarga har oyda 15 foiz ustama to'lanadi.

Bakalavr bosqichini imtiyozli diplom bilan bitirib, maktabga ishga kirganlarga avtomatik ravishda 2-malaka toifasi, magistr'larga esa 1-malaka toifasi beriladi.

Dunyodagi TOP-300 talik oliygohlarga o'qishga kirgan pedagoglarga 20 ming dollargacha imtiyozli ta'lim krediti ajratiladi.